



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0039076 26
Travnik, 21.04.2026. godine

OPĆINSKOM SUDU U TRAVNIKU
- Sudiji za prethodno saslušanje –

Na osnovu člana 45. stav 2. tačka i) i člana 241. stav 1. ZKP FBiH, podižem:

O P T U Ź N I C U

Potvrđena dana 22.04.2026. godine

Protiv:
F. M.

Što je:

Dana 04.12.2025. godine oko 11,40 sati na području grada Novi Travnik, ugrozio sigurnost neke osobe ozbiljnom prijetnjom da će napasti na život i tijelo te osobe, na način da je krećući se svojim vozilom marke Touareg reg. oznaka *** u ulici Stjepana Tomaševića uočio oštećenog R. E. koji je upravljao pmv. Škoda Octavia reg. oznaka **** kojeg od ranije poznaje i sa kojim je u zavadi, te se svojim vozilom uputio za oštećenim nakon čega je E.R. naglo skrenuo na parking prostor ispred trgovačke rade Alatnica , gdje je izvršio okretanje svog vozila, te se povećanom brzinom u namjeri da pobjegne uputio magistralnim putem prema mjestu Rastovci, gdje ga je M. F. sustigao te mu svojim vozilo prepriječio put, nakon čega je izašao iz vozila i potegao pištolj iza pojasa koji je repetirao te se oštećenom obratio riječima „Mamu ti jebem, ti si svoje završio“ svjestan da će na taj način ugroziti sigurnost oštećenog i htijući to, nakon čega je oštećeni E. R.

zbog straha za vlastiti život uspio svojim vozilom zaobići popriječeno vozilo, te pobjeći u pravcu PS Novi Travnik ,gdje je podnio prijavu.

Dakle, ozbiljnom prijetnjom da će napasti na život i tijelo ugrozio sigurnost neke osobe

Čime bi počinio krivično djelo Ugrožavanje sigurnosti iz člana 183. stav 1. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom